



Ioannes eruditione & pietate suo tempore clarissimus extitit, atque Theologiae Doctor creatus fuit. Itaque cum Magdeburgum uenisset, cathedralis Ecclesiae canonicus & concionator constitutus fuit, Anno circiter 1500. Eam functionem is per triginta annos continuauit, & nullo habito personarum respectu homines officij admonuit. In primis uerò sacerdotes redarguit, atque eorum religionem superstitionibus conspurcatam breui ruituram praedixit. Is passim in Theologicis suis libris in margine ad sententias dubias ascripsit: Haec uerba sic nunc sentit communiter Ecclesia, sed contrarium ex scriptura probari potest. Cum hoc modo legendo, scribendo, & predicando boni uiri officium praestitisset, tandem senio confectus integrum quadriduum diem & horam mortis suae praedixit. Eo toto tempore diligenter se promissionibus diuinis de gratuita misericordia per Christum (neglectis omnibus humanis meritis & praesidijs) est consolatus, atque ita tandem ter repetito dicto: In manus tuas Domine commendo spiritum meum, leto & constanti animo expirauit.